

I Von künstlicher bereitung/der Wel-

schen Schnellwagen / die Römisch wag genant / vnd wie
die selbig nützlichen zubrauchen / durch sonderliche Arithme-
tische exempel / erkleret / sampt künstlicher proporci-
onirung der gewicht.

Der Erst vnterschied des andern teils / vom rechten
grund vnd verstand wag vnd gewicht.

S du dise Welsche Schnellwagen / so gemeincklich
den die Romana oder Römische wag genant wirt / mit fleis berei-
ten wilt / auß dem rechten grund / also das sie ganz gewiß vnd
schnel / auch in vilfeltiger noturfft / Mathematischer ersuchung / vor-
teilig sein mag / Soliu fur das erst / ein geraden wol abgerichteten
Stab / zu dem balcken diser Schnellwagen verordnen vnd zurich
tē / vndt oder gefiert / nach deinē gefallen / doch der gestalt abgericht / das er durch
auß nach der ganzen lenge / an einem ort also dick sey / als am anderen.

Disen stab oder balcken der künsttigen schnellwagen / magstu kurz oder lang
machē / nach deinem gefallen / nach dem die künsttige wag groß oder klein sein sol
wie dann auch verstanden werden soll / von den hacken / an welchen diser balcken
gehēckt wird / des gleichen auch von denen hacken / daran die materi / was man
wegen oder mit dem gewicht vergleichen wil / anhencken wird / welche ding alle
nach der geschicklichkeit des werckmans zu richten / es werde gleich dise wag von
holz oder metal zugericht / Doch hastu einer solchen wag ein klar augenscheinlich
exempel in diser figur.

Vnd gleicher gestalt wöl-
len wir dir auch kein sonder-
liche Regel setzen / ob du die
hacken / daran der balcken /
diser wag hanget / nahe oß
ferne von einem ort ordnen
solt / oder wie weit dise ha-
cken von ein ander stehn sol-
len / oben oder vnten / dann
allein hierin gemerckt werde
soll / ye weiter sie von einan-
der / ye grösser differentz des
gewichts am vnderen / oder
oberen theil sich zutragen vñ
daraus erheben wirt.

Dann du solt verstēen / das ein yede wag / so auff dise art recht künstlich gemacht
wird / zwen hacken haben soll / darmit wo sie in der einen gehēckt wird / das man
den last so man vergleichen oder wegē wil / in dem anderen hacken anhenckē mag /

A A der in

